



UNIVERSITÄTS-  
BIBLIOTHEK  
PADERBORN

**HORATII TVRSELLINI || ROMANI || E SOCIETATE IESV ||  
LAVRETANAЕ HISTORIAE || LIBRI QVINQVE. ||**

**Torsellini, Orazio**

**Romae, 1597**

Præfatio.

---

[urn:nbn:de:hbz:466:1-64112](#)

HORATII TVRSSELLINI  
E SOCIETATE IESV  
LAVRETANAЕ HISTORIAE  
LIBER PRIMVS.



P R A E F A T I O .

**A**DIS Lauretanæ historiam , à multis  
inchoatam magis , quam perfectam ,  
à plerisque audiè expeditam , iam diu  
molior ad nostram ætatem à primor-  
dio euoluere . Vtinam , vt spissum  
opus , & operosum fuit , ita operæpre-  
tium fecerim . Quippe omnia ferme ,  
quæ siue Laureti , siue Recineti , seu Romæ , alibive extat  
cius rei monumenta quam diligentissime conquisiui . Ex  
his quæcunque ad rem pertinere videbantur , ita decer-  
psi , digessique , vt iustum corpus efficerent . Et suscepti  
operis curam grauiorem fecit cura successus . Namque  
rem aggredienti nec paruæ , nec paucæ dictu res occurre-  
bant , quæ animum solicitarent , & à proposito deterrerent  
meum . Primum augustissimi huius facelli origines adeo  
mirabiles , inusitatæque sunt ; vt penè incredibiles videri  
possint , si humanis rationibus consilia diuina pensentur .  
Deinde maiorum nostrorum in talibus rebus memoriæ  
prodendis , incuria bonam subtrahebat materiæ partem .  
Arrogantiæ porro esse videbatur , in re à pluribus non cō-  
temnendis scriptoribus parum feliciter tentata , euentum  
sperare meliorem . Postremo meæ tenuitatis conscius ve-  
rebar , ne tanti operis molem maiore animo , quam consi-

A lio

P R A E F A T I O .

lio suscepisse existimarer . Præsertim cum ea narrare aggrederer , quæ quia fidem propemodum excederent , disserendo fierent minora vero . Itaque timendum videbatur , ne summæ sanctissimi templi famæ detraherem aliquid potius , quam adderem , & superuacaneo labore nihil aliud , nisi reprehensionem prudentium quærerem . Cæterum , vt me collegi ; creuerunt animi , difficultatesque cesserunt . Res enim quamuis admirabilis , & antea inaudita ; vsque eo tamen certa iam , explorataque habetur ; vt de ea ambigere , ac dubitare sit nefas . Quippe summa cum fide à maioribus , velut per manus accepta deinceps traditur posteris . Nec Illyricis , Recinetensibusque monumentis solum ; sed historicorum quoque , Romanorumque Pontificum authoritate nixa est . Ad hæc vetustam fidem constans tot ætatum consensus , concursusque omnium gentium adfirmauit . Porrò loci religionem incredibilis tum votorum copia , tum donorum opulentia insignem facit . Nec vetera magis , quam noua quotidie illustrant miracula . Ut de tam testata , explorataque re addubitare non possit , nisi qui , aut de diuina vi , ac prouidentia dubitare velit ; aut eximere ex hominum genere humanam fidem . Enimuero si templi Deiparae incunabulis , Deique conceptu incliti primordia longe augustiora cæteris enarremus ; haud minus propenso animo cunctæ gentes præcipuum eius decus probare debent , quam præcipuum auxilium probant . Etsi autem maiorum diligentia multarum nobis rerum adimit copiam ; non tamen summæ rerum adimit facultatem . Namque illi minorum incuriosi sedulos se in maioribus præbuere . Itaque si meum hoc qualecunque munus B. Mariæ cordi fuerit , vt spero ; haud fane diffido , cætera milii in procliui , atque in expedito fore . Maria fauente nihil non prospere cedit . Quod si forte , aut rei magnitudini pene incredibili , aut expectationi doctorum hominum noster hic minus responderit labor ; me certè iuuabit memoriæ tam insignis mira-

miraculi, Deiparæ Virginis gloriæ, humani generis tute-  
læ , denique accensis piorum studijs consultum pro mea  
virili parte voluisse. Cæterum nisi me suscepti operis a-  
mor fallit , non facile alia historia est , aut miraculis cla-  
rior , aut exemplis ditior , aut vsu frequentior , aut iucun-  
dior fructu . Hic quippe varium , ac multiplex Virginis  
Lauretanæ præsidium: hic præsentem eius in periculis cu-  
iusque generis opem: hic omnium ferme exemplorum do-  
cumenta in illustri monumento proposita intueri licet .  
Vnde tibi , familiæ , ciuitati tuæ , pro varietate temporū,  
quod ex vsu futurum sit , petas . Ac mihi quidem ingens  
diuinæ benevolentiæ pignus habere videtur Italia , cui ta-  
le , tantumque donum inde vsque à Galilæa diuinitus est  
transmissum : vt dubijs in rebus confidat , nunquam sibi  
eius tutelam defuturam , cuius prædem , vademque à Deo  
habeat natalem domum . Super hæc tantam Deus mor-  
talium animis inspirauit huius loci religionem ; vt qui-  
cunque ad Lauretanam Aedem accedunt , non tam ad  
ædem Virginis , quam ad ipsam Virginem adire sibi vi-  
deantur . Et sane hic Deus , Deique mater miro quodam  
modo præsentiam suam declarant . Hinc diuinus ille om-  
nium pectoribus incutitur horror ad sacrosanctæ Domus  
ingressum : hinc illud abeuntibus injicitur eius reuisendæ  
desideriū: hinc nobilis illa perditarum profigatarumque  
mentium in diuersa mutatio . Quæ quidem perpetua Ae-  
dis Lauretanæ miracula ita euidentia sunt; vt etiamsi de-  
ffessent alia , quibus abundat , cuius facerent diuinæ præ-  
sentiæ fidem . Adeo nemo est , quamvis sceleratus , ac per-  
ditus , qui si Lauretum adeat , non Deum cum matre in  
materno domicilio præsentem adesse sentiat . Est autem  
hoc præcipuum , ac proprium templi Lauretani , vt eius  
religio , ac sanctitas quotidie magis efflorescat . Id adeo  
vel ex celeberrimarum ædium B. Virginis , aliorumque  
Diuorum comparatione facile apparèt . Namque illarum  
celebritatem , cultumque , cum aliquandiu viguerit , pau-

A 2 latim

oup )



4 · P R A E F A T I O .

Iatim deforescere videmus : huius vero maiestatem, quod altissimis sit defixa radicibus, cernimus per tot iam saecula , auctiorem in dies fieri , augustioremque . Sed iam a spirante Deo , Deiparaque , quorum totum hoc opus est , quorumque ope maxime nitimur , rem ipsam ordiamur . Quam quidem eisdem illis fauentibus , non tam scribenti grauem , quam salubrem legenti , ac frugiferam spero futuram . Verum , & si Lauretanæ historiæ origo haud ferme supra trecentesimum annum repetatur ; altius tamen arcessenda necessario est ; quò tota res à capite , ac fonte li quidius fluat .

---

*B. Mariae Domus ingenti honore in Galilæa colitur ,  
dum Christi fides in Palæstina  
viget . Cap . I .*

**N**atalem B. Virginis domum Galilæa Syriae regio olim habuit . Ibi in oppido Nazaretho illa genita , & educata est . Inibi ab ipsa æternus Deus Angelo prænunciante conceptus : & salutaria mortalibus Dei , ac Deiparae vestigia impressa . Nec loci sanctitas , aut ignota pijs hominibus , aut neglecta vñquam fuit . Omnitum primum fatis constat , eam magnum semper nomen , veneratione que apud Christianos habuisse : et eius venerationis autores ipsos fuisse Apostolos : ab his quippe Virginalem domum , seu prodendæ posteris memoriae , seu Christianæ religionis augendæ studio , rite consecratam . Ex eo igitur tempore , & ipsi Apostoli ingenti eam honore coluerunt , & ab alijs pari religione cultam voluerunt . Apostolorum inde authoritas apud posteros valuit . Cæteræque deinceps ætates certatim cælestis reginæ incunabula , Deique concepti vestigia celebrarunt qua dignum erat religione cultuque . Itaque anno post Christū natum circiter CCC .

B. Virginis  
Domus ab  
Apost. con-  
secrata .  
*Anna. Plm.*  
*apud Angel.*

( quo